

Mein Hund

mei hund is schworz
kullroomschworz
desdweeng hobi na
a roods holsbändla kaafd
eds issa bolidisch unverdächdi

mei hund läfd schneller
als wie der uhrzeicher
iewas zifferblodd
mid seina gwierichn baa
issa ma immer um
neinaneinzich schridd voraus

mei hund schaud mi oo
mid seina brauna aung
und sei bligg loggd ma
an bissn noochn annern
vo der goschn weg

mei hund
schnaufd die weldgschichd
durch die noosn ei
wenni wissed
er verschdehds besser
als wie iich
iich browiereds gladd
aa amoll aus